

Kalaallit Nunaanni kulbrint-isiornert isumagineqarnissaannut selskab-iliornermut Inatsisartut inatsisaat

§ 1. Naalakkersuisut piginnaatinneqarput Kalaallit Nunaannut minister-imik isumaqatigiissuteqarnissaannut Kalaallit Nunaanni kulbrint-isiornerni danskit kalaallillu ataatsimoorlutik naalakkersuisutigit peqataanerisa isumagineqarnissaannut aktie-nik piginneqatigiiffimmik aallarniissamik aallarniermilu aktie-nik aningaasaatinut Namminersornerullutik Oqartussat aningaasaleeqataatinnissaannut.

§ 2. Aktie-nik aningaasaatit selskab-ip aallarnerneqarnerani 25 mill. kr.-usussat pisussaaffiliunneqassapput pigineqassallutillu Kalaallit Nunaanni Namminersornerullutik Oqartussanit Naalakkersuisutigit naalagaaffimmillu Kalaallit Nunaannut minister-ikkut aveqatigiillugit.

Imm. 2. Namminersornerullutik Oqartussat naalagaaffullu aningaasat selskab-imik piginneqataasutut pissarsiassaasat Kalaallit Nunaanni aatsitassanik atortussiassat pillugit november-ip 29,-anni 1978-imi inatsimmi nr. 585-imi § 26-mi aalajangersagaallutik ilaapput.

§ 3. Naalakkersuisut ukiumut naatsorsuutit akuerisat ukiumullu nalunaarutit Inatsisartunut paasissutissatut nassiuttassavaat.

Imm. 2. Selskab-i ukiumut ataasiarluni ukiumi qaangiuttumi selskab-ip sulineranut aammalu ukiumi tullissami taamatullu siunissamut ungasinnerusumut suliniarnissanut pilersaarusiukkanut tamakkualu aningaasalersornissaannut pilersaarusiannut nassuiaasiortassaaq. Naassuiaat taanna Naalakkersuisut ukiumut naatsorsuutitut ukiumullu nalunaarutitut peqasiullugu nassiuttassavaat, tak. imm. 1.

Imm. 3. Selskab-ip aamma Naalakkersuisut aqutugalugit Inatsisartut paasissutissittassavai selskab-imi atugassanik aalajangiinernik inuiaqatigiinnut pingaaruteqarluinnarsorineqartunik imaluunniit selskab-ip sulinerata iluarsartuunneqarnerata allannguutissarujussuinik pissusilimmik kinguneqartussanik.

Imm. 4. Suliassani imm. 2-mut 3-mullu ilanngunneqartuni Naalakkersuisut aalajangersinnaavaat, Inatsisartuni oqallinneq matoqqasumik ingerlanneqassasoq.

§ 4. Inatsisartut inatsisaat erniinnaq atulerpog.

Kalaallit Nunaanni Namminersornerullutik Oqartussat, ulloq 22. oktober 1984

/

Alibak Steenholdt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut